

Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400; 726 409
fax. +387 33 726 423
e-mail: info@voda.ba

Broj: **UP-1/21-3-40-519-7/23**
Datum: **17.04.2024. god**

«Agencija za vodno područje rijeke Save» Sarajevo rješavajući po zahtjevu pravnog lica «MUJANIĆ» d.o.o. Sarajevo za donošenje rješenja o vodnoj dozvoli za ispuštanje tehnoloških otpadnih voda i oborinskih onečišćenih voda sa lokacije objekata klaonice krupne i sitne stoke i štale za privremeni smještaj stoke pred klanje, izgrađenih u ulici Blažuj br. 84, općina Ilidža, Sarajevo, na osnovu člana 109. stav (1) tačka 2. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

RJEŠENJE o vodnoj dozvoli

1. Pravnom licu „MUJANIĆ“ d.o.o. Sarajevo daje se vodna dozvola za ispuštanje tehnoloških otpadnih voda i oborinskih onečišćenih voda sa lokacije objekata klaonice krupne i sitne stoke i štale za privremeni smještaj stoke pred klanje, izgrađenih na zemljištu označenom kao k.č. broj 256 i 257 K.O. Blažuj, općina Ilidža.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
3. Vodna dozvola se daje na osnovu činjeničnog stanja utvrđenog pregledom dostavljene projektne i druge dokumentacije, izvršenog uviđaja na lokaciji objekta i pod slijedećim uslovima:
 - 3.1. Da se upotreba i korištenje predmetnog poslovnog objekta vrši u skladu sa urađenom projektnom dokumentacijom koja je služila kao podloga za davanje ove vodne dozvole.
 - 3.2. Da korisnik obezbijedi da se kompletira sistem za prikupljanje, prečišćavanje i ispuštanje tehnoloških otpadnih voda i oborinskih onečišćenih voda u definisani recipijent u skladu sa urađenom investiciono tehničkom dokumentacijom, a koja je služila u postupku izdavanja ovog Rješenja, sa rokom do 30.06.2026. godine.
 - 3.3. Da se, u skladu sa dostavljenim dinamičkim planom ovjerenim i potpisanim od strane odgovornog lica podnosioca zahtjeva, a koji je sastavni dio ovog Rješenja, do aprila 2024. godine u potpunosti realizuju radovi na prikupljanju i tretmanu otpadnih voda sa lokacije objekata klaonice krupne i sitne stoke i štale za privremeni smještaj stoke pred klanje, a sve u skladu sa projektnom dokumentacijom: Glavni projekat vodosnabdijevanja, prikupljanja i tretmana otpadnih voda klaonice «Mujanić» u naselju Blažuj, općina Ilidža, urađen od strane «Zavod za vodoprivredu» d.d. Sarajevo, august 2011. godine, kako slijedi:

R.B	Naziv aktivnosti	Rok za realizaciju aktivnosti
1	Ishodovanje potrebnih dozvola od nadležnih organa	02.2025.
2	Nabavka i isporuka opreme	06.2025.
3	Građevinski radovi (iskop)	09.2025.
4	Ugradnja opreme i priključak	10.2025.
5	Puštanje u probni rad	04.2026.
6	Puštanje postrojenja u rad	04.2026.

- 3.4. Da se dostavi Izvještaj nadležnoj Agenciji za vode i Federalnom ministarstvu okoliša i turizma o realizaciji planiranih aktivnosti u zadatim rokovima iz detaljnog dinamičkog plana, prvi put najkasnije do 31.12.2024. godine, a drugi put najkasnije do 30.06.2025. godine, na obrascu iz Priloga B navedene Uredbe, sve u skladu sa članom 26. Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, broj 1/24).
- 3.5. Objekte za prikupljanje, tretman i ispuštanje tehnoloških otpadnih voda i oborinskih onečišćenih voda (slivnici, rešetke, kanalizaciona mreža, separator i dr.) potrebno je održavati i koristiti na način koji će obezbijediti njihovu potpunu ispravnost i funkcionalnost. Čišćenje i odvoz sadržaja iz uređaja za tretman otpadnih voda i konačno zbrinjavanje, može vršiti isključivo firma ovlaštena za tu vrstu djelatnosti, prema sklopljenom ugovoru.
- 3.6. Da se u procesu rada praktikuje suho čišćenje površina prije pranja vodom, kako bi se uklonile organske nečistoće, trošilo manje vode za pranje i time smanjilo zagađenje voda.
- 3.7. Da se koristi uređaj za pranje pod pritiskom, kako bi se smanjila potrošnja vode kod finalnog pranja radnih i manipulativnih površina, a samim tim i količina otpadne vode.
- 3.8. Da se aplikacija đubriva iz đubrenke na poljoprivredne površine vrši u skladu sa pravilima dobre poljoprivredne prakse i van područja vodnog dobra i zona sanitarne zaštite izvorišta vode za piće, a u cilju zaštite površinskih i podzemnih voda.
- 3.9. Da se izvrši izgradnja zatvorene vodonepropusne osočne jame za prihvrat tečnog otpada iz objekata za privremeni smještaj stoke. Osočnu jamu dimenzionirati na način da ne dođe do preljevanja sadržaja po okolnom terenu.
- 3.10. Da se klaonički konfiskat koji nastaje u procesu klanja i obrade trupala redovno odstranjuje iz proizvodnog procesa, odlaže u kontejnere propisane za tu vrstu otpada i u saradnji sa ovlaštenom institucijom odvozi i odlaže u skladu sa važećim propisima, a prema ugovoru sklopljenim sa istom.
- 3.11. Da se vrši potpuno odvajanje krvi prilikom iskrvavljenja sistemom odvojenog prikupljanja u namjenske, hermetički zatvorene posude, a trajnu dispoziju istih riješiti prema uputama i u saradnji sa veterinarskom inspekcijom.
- 3.12. Da se uredno vodi službena evidencija o načinu i vremenu radova održavanja, odnosno o pražnjenju, odvozu i zbrinjavanju sadržaja separatora ulja i masti.
- 3.13. Otpad koji nastaje u postupku klanja i obrade trupala kao i drugi nusproizvodi, te mulj iz septičke jame i separatora masnoća, ne smije se odlagati na česticu «vodno dobro», odnosno u vodotoke i na njegove obale.
- 3.14. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati ovlaštene laboratorije i sadržini i načinu izdavanja ovlaštenja („Službene novine Federacije BiH“, broj 14/10, 14/3, 26/14, 15/17, 23/17 i 41/20), vršiti redovna ispitivanja kvaliteta otpadnih voda, uzimanjem uzorka efluenta iz kontrolnog okna, u skladu sa Uredbom o uslovima ispuštanja otpadnih voda u okoliš i sisteme javne kanalizacije.
- 3.15. Prečišćena otpadna voda mora ostati u maksimalno dopuštenim granicama definiranim Uredbom o uslovima ispuštanja otpadnih voda u okoliš i sisteme javne kanalizacije.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontroli izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Prilog 1, Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda, te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove vodne dozvole, korisnik predmetnog objekta je dužan provoditi sve mjere i aktivnosti propisane istom.

6. Ukoliko radom predmetnog objekta dođe do promjene režima površinskih ili podzemnih voda, a te promjene prouzrokuju štete ma kakvog karaktera, korisnik vodne dozvole je obavezan uzroke štete otkloniti, a nastalu štetu nadoknaditi.
7. Vlasnik, odnosno korisnik objekta nema pravo na naknadu eventualnih šteta prouzrokovanih plavljenjem i iste padaju na njegov teret u skladu sa članom 20. stav (7) Zakona o vodama.
8. Prava stečena po ovoj vodnoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. Ova vodna dozvola, shodno članu 26. stav 1. Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, broj 1/24) se daje sa rokom važenja do 30.06.2026. godine.
10. Prije isteka važnosti ove vodne dozvole, Investitor, odnosno korisnik objekta je dužan da podnese zahtjev za izdavanje nove vodne dozvole.
11. Uslov za izdavanje nove vodne dozvole je ispunjenje uslova iz dispozitiva ovog Rješenja i ako se ne izvrše radovi predviđeni ovim vodnim aktom, produženje vodnog akta istekom važnosti ovog rješenja neće biti moguće.
12. Ovo rješenje može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Pravno lice «MUJANIĆ» d.o.o. Sarajevo obratio se ovoj Agenciji sa zahtjevom za donošenje rješenja o vodnoj dozvoli za ispuštanje tehnoloških otpadnih voda i oborinskih onečišćenih voda sa lokacije objekata klaonice krupne i sitne stoke i štale za privremeni smještaj stoke pred klanje, izgrađenih na zemljištu označenom kao k.č. broj 256 i 257 K.O. Blažuj, općina Ilidža.

Uz zahtjev je dostavljena slijedeća dokumentacija:

- Ovjereni kopija Aktuelnog izvoda iz sudskog registra Općinskog suda u Sarajevu, broj: 065-0-RegZ-23-011437 izdatog dana 26.10.2023. godine;
- Ovjereni kopija Uvjerenja o poreznoj registraciji izdatog od Porezne uprave-Kantonalni ured Sarajevo dana 28.02.2005. godine;
- Kopija rješenja urbanističke saglasnosti za izgradnju poslovnog objekta, izdate od strane Službe za prostorno uređenje Općine Ilidža, broj: 03-23-2140/10 M.I. dana 14.07.2016. godine;
- Kopije Rješenja o odobrenju za izgradnju poslovnog objekta, izdatog od strane Službe za prostorno uređenje Općine Ilidža, broj: 03-23-3942/17 M.I. dana 30.04.2018. godine;
- Kopija Rješenja o odobrenju za upotrebu donesenog od strane Službe za prostorno uređenje općine Ilidža, broj: 03-23-4700/18 dana 11.01.2019. godine;
- Kopija Rješenja o ispunjenju uslova u pogledu tehničkog uređenja načina rada, stručnih zaposlenika i higijene, donesenog od strane Ministarstva privrede Kantona Sarajevo, broj: 07-05-20-1794/22 dana 25.02.2022. godine;
- Kopija Rješenja o vodnoj dozvoli broj: UP-I/25-3-40-009-6/19 od 07.03.2019. godine, donesenog od strane Agencije za vodno područje rijeke Save;
- Kopija Rješenja o okolinskoj dozvoli broj: 05-23-10902/18 VI od 28.12.2018. godine, donesenog od strane Ministarstva prostornog uređenja, građenja i zaštite okoliša Kantona Sarajevo;
- Detaljan dinamički plan sa aktivnostima, finansijskom procjenom i rokovima realizacije za izgradnju i puštanje u rad sistema za prikupljanje, tretman i ispuštanje tehnoloških otpadnih voda i oborinskih onečišćenih voda sa lokacije objekata „Mujanić“ d.o.o. izgrađenih u Blažuju, općina Ilidža;
- Izvještaj o monitoringu kvaliteta i kvantiteta otpadnih voda klaonice «MUJANIĆ» Blažuj, Sarajevo, urađen od strane «Inspekt RGH» d.o.o. Sarajevo, septembar 2023. godine;
- Izvještaj o rezultatima ispitivanja tereta zagađenja otpadnih voda „MUJANIĆ“ d.o.o. Sarajevo, izraženog preko EBS-a, urađen od strane «Inspekt RGH» d.o.o. Sarajevo, juli 2023. godine;
- Glavni projekat vodosnabdijevanja, prikupljanja i tretmana otpadnih voda klaonice «Mujanić» u naselju Blažuj, općina Ilidža, urađen od strane «Zavod za vodoprivredu» d.d. Sarajevo, august 2011. godine;
- Dokaz o uplaćenju upravnoj pristojbi.

Nakon pregleda dostavljene dokumentacije utvrđeno je da su uz zahtjev dostavljeni potrebni prilozi, te je ovaj organ u skladu sa odredbama člana 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH», br. 31/15, 55/19, 41/20 i 63/22) pokrenuo upravni postupak, te je izvršen obilazak predmetne lokacije o čemu je sačinjen zapisnik o uviđaju broj: UP-1/21-3-40-519-3/23 dana 15.12.2023. godine.

Na osnovu dostavljene dokumentacije i izvršenog uviđaju na predmetnoj lokaciji utvrđeno je slijedeće:

Kompleks klaonice «Mujanić» smješten je u naselju Blažuj, općina Ilidža, 20 m od vodotoka - rijeke Zujevine.

Kompleks čine slijedeći objekti: staja za krupnu stoku, staja za sitnu stoku, dubrenka, prostor za klanje - za pripremu, omamljivanje stoke i za klanje i iskrvavljenje, prostor za obradu trupala, prostor za smještaj kože, komore za hlađenje, objekti za sušenje mesa - sušare, kancelarijski prostor i sanitarni čvorovi.

Procjenjeni sedmični kapacitet klaonice iznosi 30 grla krupne stoke, 50 grla teladi i 150 grla janjadi (u posljednje dvije godine se ne vrši klanje teladi).

Unutar ograđenog kruga klaonice su saobraćajne i radno-manipulativne površine asfaltirane i opremljene odgovarajućim slivnicima za prikupljanje oborinskih voda, koje se preko separatora ulja i masti ispuštaju u rijeku Zujevinu.

Tehnološke otpadne vode iz klaonice se prikupljaju unutar objekta sistemom sabirnih slivnika i odvođe vanjskim kanalizacionim vodom do prelivnih jama, odakle je prema projektnoj dokumentaciji planirano da se vode na uređaj za prečišćavanje. U ovom trenutku se vode iz prelivnih jama bez prečišćavanja odvođe kanalizacionim vodom do priključka na kanalizacioni kolektor, kojim upravlja KJKP „ViK“ d.o.o. Sarajevo, a za koji podnosilac zahtjeva ne posjeduje saglasnost operatera. Za zbrinjavanje stalnjaka iz objekta za privremeni smještaj stoke izgrađena je vodonepropusna betonska laguna - dubrenka. Sadržaj dubrenke nakon određenog perioda odležavanja se odvozi i odlaže na poljoprivredne površine. Zbrinjavanje konfiskata se vrši u zasebne spremnike-kontejnere, te odvozi na komunalnu deponiju.

Od podnosioca zahtjeva je u skladu sa Uredbom o izmjenama i dopunama Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 1/24), dopisom broj: UP-1/21-3-40-519-5/23 od 10.01.2024. godine zatraženo da dostavi detaljan dinamički plan ulaganja za realizaciju radova na ispunjenju tačke 3.1. Rješenja o vodnoj dozvoli broj: UP-I/25-3-40-009-6/19 od 07.03.2019. godine. Podnosilac zahtjeva je dana 28.03.2024. dostavio traženi dinamički plan sa spiskom aktivnosti i mjera sa finansijskom procjenom za ulaganje, te rokove u kojima će pravni subjekt realizirati pojedine aktivnosti. Dostavljeni dokument koji je sastavni dio spisa je poslužio za definisanje uslova iz tačke 3.3. ovog Rješenja.

Na osnovu uvida u dostavljeni dinamički plan utvrđeno je slijedeće:

Krajnji rok za realizaciju svih radova predviđenih dostavljenom projektnom dokumentacijom (Glavni projekat vodosnabdijevanja, prikupljanja i tretmana otpadnih voda klaonice «Mujanić» u naselju Blažuj, općina Ilidža, urađen od strane «Zavod za vodoprivredu» d.d. Sarajevo, august 2011. godine) je 30.04.2026. godine.

Rokovi za realizaciju pojedinih aktivnosti definisani su u dinamičkim planom, koji je sastavni dio ovog Rješenja.

Na osnovu dostavljene projektne dokumentacije, utvrđenog činjeničnog stanja i uviđaja izvršenog na predmetnom lokalitetu, a u svrhu smanjenja negativnih uticaja predmetnog objekta i aktivnosti na stanje voda i prava na vode dodjeljena drugim korisnicima, podnosiocu zahtjeva su ovom vodom dozvolom u tački 3. dispozitiva Rješenja, propisani uslovi kojih se dužan pridržavati pri korištenju objekta, u skladu sa odredbama Zakona o vodama, Pravilnika o sadržaju, obliku, uslovima, načinu izdavanja i čuvanja vodnih akata i odredbama Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09,

79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07).

Na osnovu provedenog postupka konstatuje se da je podnosilac zahtjeva ispunio minimum uslova za izdavanje vodne dozvole za aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta kao posljedice rada proizvodno-poslovnog objekta i ispuštanje oborinskih onečišćenih voda sa predmetne lokacije, te je riješeno kao u dispozitivu ovog Rješenja.

Podnosilac zahtjeva je na ime izdavanja ovog vodnog akta izvršio uplatu pristojbe iz tar. broj 43. Zakona o federalnim upravnim pristojbama i Tarifi federalnih upravnih pristojbi („Službene novine Federacije BiH“, broj 06/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Voditelj postupka: Aida Bezdob, dipl.ing.građ.

Po ovlaštenju
Rukovodilac sektora za izdavanje
vodnih akata



Haris Ališehović, dipl.ing.građ.

PRILOG: Glavni projekat vodosnabdijevanja, prikupljanja i tretmana otpadnih voda kaonice «Mujanić» u naselju Blažuj, općina Ilidža, urađen od strane «Zavod za vodoprivredu» d.d. Sarajevo, august 2011. godine

Dostaviti:

- «MUJANIĆ» d.o.o. Sarajevo, Blažuj 84, 71210 Ilidža, Sarajevo (sa prilogom)
- AVP Sava, ISV – Vodna knjiga
- Sektor 40, arhiva
- Sektor 50,
- Oglasna ploča AVP Sava